

**ԱՄՓՈՓԱԹԵՐԹ**

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՒՍՈՒՄՆԱԿԱՆ ՏԱՐՎԱՊԵՏՈՒԹՅԱՆ ԿՈՂՄԻՑ ՈՒՍԱՆՈՂԱԿԱՆ ՆՊԱՏՆԵՐԻ ԶԵՎՈՎ ՈՒՍՄԱՆ ՎԱՐՁԻ ԼՐԻՎ ՓՈԽՀԱՏՈՒՑՄԱՄԲ (ԱՆՎՃԱՐ), ԱՌԿԱ ՈՒՍՈՒՑՄԱՄԲ ԿԼԻՆԻԿԱԿԱՆ ՕՐԴԻՆԱՏՈՒՐԱՅԻ (ԸՍՏ ՄԱՍՆԱԳԻՏՈՒԹՅՈՒՆՆԵՐԻ) ԵՎ ԻՆՏԵՐՆԱՏՈՒՐԱՅԻ ԸՆԴՈՒՆԵԼՈՒԹՅԱՆ ՏԵՂԵՐԸ ՀԱՍՏԱՏԵԼՈՒ ՄԱՍԻՆ ՆԱԽԱԳԾԻ ՎԵՐԱԲԵՐՅԱԼ**

h/h	Առարկության, առաջարկության հեղինակը, ստացման ամսաթիվը	Առարկության, առաջարկության բովանդակությունը	Եզրակացություն	Կատարված փոփոխությունը
	1	2	3	4
1	Լաուրա Թումայան 12.06.2025 22:34:09	Բացի անվճար տեղերի հատկացումից, կարծում եմ, որ կարևոր է հստակեցնել ընդունելության մրցութային չափանիշները: Հետևաբար, առաջարկում եմ լրացուցիչ միավորներ ունենալ հետևյալի համար. Բարձր առաջադիմություն ուսման ընթացքում: Գիտական կամ հետազոտական աշխատանքներ բժշկության ոլորտում: Կամավորական աշխատանք առողջապահական հաստատություններում: Չինվորական ծառայություն անցած լինելը (հատկապես ինտերնատուրայի դեպքում): Առաջարկում եմ նաև հստակ մեխանիզմներ սահմանել, որոնք կապահովեն շրջանավարտների աշխատանքային պրակտիկան թիրախային	Նպատակային կլինիկական օրդինատուրայի ընդունելությունը իրականացվում է մրցութային կարգով: Մրցութային անցկացվում է Երևանի Մ.Հերացու անվան պետական բժշկական համալսարանի և Ակադեմիկոս Ս.Ավդալբեկյանի անվան առողջապահության ազգային ինստիտուտի կողմից հաստատված կանոնակարգերի հիման վրա: Ինտերնատուրայում տեղերի հատկացումը նախատեսում է կարգավորել ՀՀ զինված ուժերում առկա բժշկական կազմի	

		<p>ողորտներում (ՀՀ զինված ուժեր, մարզային առողջապահական հաստատություններ): Մա կարող է ներառել պայմանագրային պարտավորություններ որոշակի ժամկետով (օրինակ՝ 3-5 տարի):</p>	<p>թերհամալրվածության խնդիրը: Ինտերնատուրայի շրջանավարտները պարտադիր պայմանագրային ծառայության են անցնում ՀՀ զինված ուժերում:</p>	
2	<p>Աննա Բաբլանյան 07.06.2025 22:07:27</p>	<p>Որպես մանկավարժ և բարձրագույն կրթության ոլորտի մասնագետ, կարևորում եմ նմանատիպ նախաձեռնությունների իրականացումը, քանի որ դրանք միաժամանակ լուծում են ինչպես կրթության որակի բարձրացման, այնպես էլ հանրային առողջապահական ոլորտի մարդկային ռեսուրսների համալրման խնդիրները:</p> <p>Ներկայացված նախագիծը արժանահավատ և հիմնավորված է, քանի որ՝</p> <ul style="list-style-type: none"> <li>• հիմնված է գործող օրենսդրության դրույթների վրա,</li> <li>• արտացոլում է ոլորտային վերլուծության արդյունքները,</li> <li>• կանխատեսում է համակարգային բարեփոխումների հիմք,</li> <li>• ներառում է շարունակական կրթության տրամաբանությունը՝ ուսումնական գործընթացից մինչև աշխատանքային տեղաբաշխում: Բացի այդ, նախագծում տեսնում ենք մանկավարժական և կրթական տեսանկյունից մի շարք դրական մոտեցումներ՝</li> </ul> <ul style="list-style-type: none"> <li>✓ նպատակային ուսուցման մոդել,</li> <li>✓ մրցութային ընդունելություն,</li> <li>✓ ուսումնառության ընթացքում ֆինանսական աջակցություն,</li> <li>✓ պարտադիր տեղաբաշխում ըստ համակարգային պահանջարկի: Այնուամենայնիվ, պետական ռեսուրսների արդյունավետ բաշխման և համակարգային շահերի առավելագույն ապահովման նպատակով առաջարկում եմ հաշվի առնել հետևյալ կետերը՝ Օրինակ՝ հավելվածում</li> </ul>	<p>Նախագծի հիմնավորման մեջ նշված են առավել պահանջարկ ունեցող մասնագիտությունները: Տեղերը բաշխելիս հիմք է ընդունվել կադրային պահանջարկը:</p> <p>Պետության կողմից ուսման վարձի լրիվ փոխհատուցում ստացած օրդինատորները, ուսումն ավարտելուց և ինքնուրույն մասնագիտական գործունեություն իրականացնելու իրավունք ձեռք բերելուց հետո, պարտավորվում են աշխատանքային պայմանագիր կնքել</p> <p>Առողջապահության նախարարության առաջարկած կազմակերպության հետ՝ վերջիններիս առաջարկած պայմաններով, առնվազն 3 տարի ժամկետով:</p>	

		<p>         հստակ նշել այն բժշկական մասնագիտությունները, որոնցում թերհամալրվածություն կա՝ մասնավորապես մարզային առողջապահության և զինված ուժերի ծառայության մեջ: Օրինակ՝ ընտանեկան բժիշկ, , ռազմաբժշկական փորձագիտություն և այլն: Տեղեկատվությունը անհրաժեշտ է տարածել պաշտոնական հարթակներով ժամանակին, որպեսզի դիմորդները կարողանան ճշգրիտ կողմնորոշվել՝ ինչպես մասնագիտության, այնպես էլ ընդունելության պայմանների առումով: Նախատեսել մեխանիզմ, ըստ որի ուսումը պետության կողմից ֆինանսավորվի պայմանով, որ շրջանավարտը աշխաի համապատասխան հաստատությունում (օրինակ՝ մարզային ՊԲԿ, ՁՈւ հոսպիտալ) նվազագույն 3-5 տարի ժամկետով: Սա կերաշխավորի ներդրված ռեսուրսների վերադարձն ու նպաստառու հատվածների իրական համալրումը: Ինչպես նաև ներկայացնել ուսումնական հաստատություններին առաջարկություն՝ նպատակային օրդինատորների հետ իրականացնել հատուկ կարիքներին համապատասխան մասնագիտական կողմնորոշման ծրագրեր, որպեսզի ուսանողներն իրապես պատրաստ լինեն աշխատել հատկապես մարզային առողջապահական հաստատություններում: Կառաջարկեմ նաև պետության աջակցությունն առավելապես հասանելի դարձնել նաև սոցիալապես խոցելի խմբերին, հատկապես՝ բարձր առաջադիմություն ունեցող շրջանավարտներին՝ սահմանելով լրացուցիչ դրույթներ կամ արտոնություններ:       </p>		
--	--	--	--	--

		<p>Հաստատելով այս նախագիծը՝ պետությունն ապահովում է կրթության շարունակականության և սոցիալական նպատակայնության համատեղ իրականացումը, ինչը լիովին համահունչ է ժամանակակից մանկավարժության արժեքներին:</p>		
3	<p>Լուսինե Մինասյան 07.06.2025 22:00:50</p>	<p>Առաջարկում եմ անվճար տեղերը հատկացնելիս առավելությունը տալ մարզաբնակներին՝ պայմանով, որ ավարտելուց հետո վերադառնան և համալրեն մարզային առողջապահության համապատասխան հիմնարկները: Դրա արդյունքում մարզային առողջապահության կադրային պահանջարկը կբավարարվի:</p>	<p>Մույն նախագծի նպատակը մարզերի կադրային պահանջարկի համալրումն է: Պետության կողմից ուսման վարձի լրիվ փոխհատուցում ստացած օրդինատորներն ուսումն ավարտելուց և ինքնուրույն մասնագիտական գործունեություն իրականացնելու իրավունք ձեռք բերելուց հետո, պարտավորվում են աշխատանքային պայմանագիր կնքել Առողջապահության նախարարության առաջարկած կազմակերպության հետ՝ վերջիններիս առաջարկած պայմաններով, առնվազն 3 տարի ժամկետով:</p>	